

雲光集卷之一

連四

聖水玉陽王處一撰

詩

承安丁巳受第三宣於六月二十五日到都下天長觀七月初三日宣見

賜坐帝問清淨經師解之次問北征事師答云戊午年即止後果應次問

全真門戶師一一對答帝深嘉歎留

連抵暮方出翌日賜紫衣瘡體女大師仍差近侍傳旨賜崇福修真二觀

任便住坐每月給齋廚錢二百錢時在修真觀作此一篇寄呈老母洎聖

水道眾

修真觀下信遠通住復祥光透碧空普過明

師開正教今蒙聖帝助玄風玉陽自此權行

化法東從茲好用功稽首慈親母少慮皇恩

未許返鄉中

按窻使夫人患病求痊

天生天長順天修不論塵寰俗骨骸四假豈能朝鳳闕三尸那得赴瀛洲悟真內照忘新

觸達本友心滅舊憂無色真空超彼岸穩乘自在大神丹

贈祖卷呂知觀

大悟威光朗太空先天真瑞信忽忽虛無清淨全今古至道流傳正祖宗三界十方通一

致千經萬論子無窮忘情自現天元主透出陰陽造化中

贈維州觀主太夫人

有誰遭遇活神仙的養靈明透碧天玉藏抽添真水火瑤宮凝結瑞雲煙形神俱妙人難

會空色都除理忘傳四海迴光齊奉教自然功德滿三千

贈助緣道眾二首

深謝吾門廣助緣始終如一苦精研存神默

默塵無染養氣絲絲道自然開闡本元清淨

主化生玄象舞胎仙璇璣轉運真三寶不動

慈光滿大千

固窮守道無名全在人心運志誠一氣循

環清宇宙三光會合聚神明玉壇瑞象埋仙跡寶鼎祥輝隱化生說破內丹真口訣妙功

無住自圓成

師之舊隱尋出朱北玉清觀號曰小

聖水實為勝地故有是詩

此處勝地古今稀縷步煙霞畫景遊三界聖賢垂顧盼一方道德盡精持雙蓮童子擎花

節對對祥鸞舞玉堦鍊就大丹歸不久有緣相伴到瑤池

福山王押司因病求教

懸絲細細養沖和寂寂修心出愛河增長谷神常不漏流傳血脉永無痾全真發道忘生

滅見性通靈絕障魔劫劫蓋因功德正萬神齊捧出娑婆

留五舍人過夏

好同我處養清涼聚結靈砂天外香四大回

運清氣候雙泉灌濯玉容光調神不動災為

福遇物無私陰復陽別有生涯閑度日寶經

披論兩三行

脫世網二首

順天功德化生來法體光明徧九垓慧目澄澄無稍著神珠朗朗絕纖埃五方靈耀衝天

出一朵心花拂日開浩劫真空重顯現始知
處處是蓬萊

脫離世網沒繁纏已得丹成道自然紫府飄
飄飛玉雪瑤臺漸漸吐金蓮神宮段段圓明
結法性虛虛照耀金內外鍊成金玉體蓋因

一遇大羅仙

述懷 二首

濁酒狂歌數十年空身放蕩夢游仙存心救
救通三界全體光明徹九天世外生涯唯我
曉堂中珍寶有誰憐東方雲海玉陽子度脫

○ 愚迷不妄傳

我當開化混三陽屯壘煙霞滿十方鍊出寶
珠含法界化生靈耀接蒼蒼虎龍蟠繞補金
鼎日月飛騰照玉堂比及乘鸞歸紫府太平
國裏且和光

門人張志明問日用事 二首

吐假搜真苦琢磨體天法道養沖和三光影
裏搏心印萬法門中悟竅多兩道清風穿紫
府六天如意出婆婆無無有有成圓相指日
升騰上大羅

輝輝玉性晃睛霄本是無為福慧招玄理通
融真自在妙光澄澈恣逍遙一聲仙樂朝金
闕兩道靈泉灌瑞苗認正本來真面目依師
且作度人橋

道理因緣

遇師決破好因緣與物無私合上天五道光
明擴慧性萬般霞彩疾丹田清音空外傳真
趣苦海波中運法船無證無修真了了本來
功行自周全

居塵不染

虛無凝秀結靈胎雖在塵寰道眼開酒色氣
財他活計精神血脈自根荑都教元海同居
住任使崑崙恣往迴此箇因緣真得待無為
清淨到蓬萊

自詠 二首

東方雲海小風風終日無為話苦空一點圓
明真了了兩迴遭遇性融融三田鍛出留年
藥九載修成越世功每向朝元仙路看全真
光徹大羅宮
鉛汞相投結大丹服之立可變童顏色身流

徵陰陽數真性超離生死關八脉通流元氣
海萬種攢聚玉京山周而復始重羅列無極
天真自往還

示門人 二首

特為同流指勝緣始終如一志常堅清閑暗
使真真濟飽暖須教事事端更向人間為實
行運同火裏長青蓮雲霞引步朝元去功滿
三千及大千

一切高明共結緣沈沈苦海種金蓮出塵香
艷難諸穢照體光明射九天開闢從初真道
眼修成無上大羅仙騰令跨古真靈性了了
都無一法傳

仙境

仙境絕世真精滿空異複雜瓊瑛瑛瑤絳
節朝金闕羽蓋雲旗映寶臺三界聖真同際
會五方童子久徘徊古今不改誰能見除是
通靈道眼開

全真

我師弘道立全真始遇純陽得秘文性滿虛
空凝結彩丹成表裏結祥雲頓超法界留玄

教傳化人天贊聖君救拔羣生諸苦難自然
寰海普知聞

遇師傳授

我嘗遭遇活神仙的養靈明透碧天心入絳
宮冥照耀氣蘆丹鼎自迴旋形神俱妙煙霞
鎖動靜都忘性命全普願塵寰通此理一時
同泛度人船

贈眾道友 二首

清貧素弱善顏紅本性備然慕正宗更願全
神投內補便當棄假悟真空靈源固濟無諸
漏神翎揮騰殺九蟲鍊熟丹砂明火候坐看
烏兔任西東

天和地理與人安三教三才共一般性燭光
明常不昧靈童踴躍自追歡浮雲消散禪天
淨外事合容覺海寬放蕩逍遙觀自在本來
模樣永相看

答人問安樂法

虛無大道全真訣富國安民沒可越解脫靈
宮萬化生沖和氣海千疴滅定起無漏大神
舟輟出長空秋夜月一性圓明道自成周而

復始重羅列

贈新出家

迴頭欲覓長安道內外全空心上掃絕重機
關達杳冥抽添水火明顛倒鍊烹四象與三
才吐出七情并六耗一性輝輝晃太虛玉京
自有金書報

示門人校勘功行 二首

勸化行緣志在堅盡心皆與我同然金關啓
鎖玄風透鐵樹開花大道傳成攝萬靈齊慶
賀報通三世沒災愆十方眾友宜搜獲一悟
真空總了仙

天然一境實恢洪應合希夷理自同生育無
名清淨體變通不壞杳冥宗旌幢閃閃排雲
漢環珮珊珊下太空接引圓明真了了法輪
常轉運玄風

造化 二首

妙行真功滿十年普同法道鍊真仙温温鉛
鼎神光綻赫赫靈砂火候全兩湊玄風通嶽
頂一溪寒玉降芝田擘開混沌觀無極豁達
靈根養浩然

保身清雅虎龍吟寂寂真慈轉古今太極本
宗開造化始清玄象走浮沈神收五臟邪難
入性滅三彭道自尋一粒大丹成熟後寶華
圓滿出瑤岑

法眷

玉京仙眷我心交福注與隆禍不招地獄變
成傳道會火坑化作度仙橋聞聽法鼓喧靈
嶽便整雲輿隨紫霄元始垂光弘救濟混元
三界悉逍遙

興題

前驅紫鳳舞雲先後引青鸞入帝鄉七寶洞
天常不夜九清科法普傳方五行四象明文
泰萬劫千生流禍殃二物混成無漏體一靈
真性達穹蒼

出塵

跳出輪迴入道來玄機默默滿胃懷頓超內
外諸塵網不落周圍眾苦崖一點靈光無缺
漏四般假物任沈埋任時跨鶴朝元去復返
天宮步玉階

贈益都統軍

本是虛無一點真降臨中國作賢臣威如速
靈無違事忠佐清朝用至仁不外玉陽同慶
會每於福地結良因百年定作神仙客善德
從今日日新

秦和辛酉詔赴亳州作普天大醮贈

衆

聖帝傳符出洞天金門演教慶無邊大興妙
供因緣普永保洪基海嶽堅欣樂太平齊慶
賀尊崇道德悉周全太清宮下同參事應是
皇恩第四宣

勸衆化緣 二首

聞說諸公廣化緣莫辭寵辱苦精研願神和
暢同修鍊養志安恬合自然開闢清虛觀性
月輪旋造化舞胎仙了真默默俱無漏不動
慈光滿大千

立志寧心普化緣各酬洪願蕙香煙宜搜道
理重開悟好把塵情一併蠲五臟輝輝生玉
藥三田湧湧吐金蓮十方靈寶騰空起一性
通朝不夜天

勸人棄假歸真

藉形託化仗前緣宿孽推臨事逼前寶鑑神
珠遺泪沒風燈石火不牢堅諸公好把輪迴
咄一志宜將性命全收拾光明投內補悟真
達本復周圓

寄呈母親

子母修真同出家體天法道作生涯化緣處
處神明助勸善重重福壽加俗眷恩情都不
論玄門道德水無差內靈昇化投真越異日
功成達島詩

勸東內外勤修

內經輪迴外救忙外持內照兩無妨助緣助
教功勳著扶因扶危壽命長一丹金蓮離垢
穢兩般玉貌出崑岡隨時慶賀昇平主密布
慈雲滿十方

贈離州千戶信道士

往昔重重結勝緣心香最最透諸天塵中養
就真如體火裏長開不謝蓮音願搜真登彼
岸各須弘誓滅前愆丹圓果滿神光聚總達
無爲契自然

贈內侍局司丞 二首

好生濟物道心懷不必浮華錯用功自己琢
磨心垢淨佗時留駐內顏紅常行忠孝無私
曲應有神明指正宗不覺脫離生死海十方
三界顯家風

洪恩不斷古今稀悟徹塵情總不為積德歸

依無上道累功去了自心欺萬神傍湧超生
滅一性如如弗動移佗日乘鸞遊紫府六銖
衣挂受天禧

贈遠來道衆 二首

同道知音任往還經遊聖水涉千山洗心妙
論通玄趣絕慮迴光究內閣金玉堂前烹鳳
髓煙霞洞裏鍊陽關清風皓月真空體悟理
明宗頃刻間

吐盡塵根一物無清冷冷下功夫素光砂
渺開心月紅艷輝輝覆性珠既得元初真了
幹任他四大散無拘將來功滿承天詔穩駕
祥雲赴玉都

別道衆

修真道衆囑了寧休逐輪迴死復生一切物
情皆可絕萬般塵事不堪爭身心和暢千病

啟神氣冲融四序平了了時無可了玄玄
玄處證圓成

天壽節作醮

精修黃籙啓真詮無限官民祝萬年普運丹
誠須薦福同行真孝必通天香煙裊裊起三
界功德巍巍貴大千一切有情登道岸太平
忻樂遇良緣

仗李壽卿化木植

壽卿貴族莫辭難仁義通開生死關大藏因
緣非小可玄門消息好追攀增添福祿德具
行係養形神使內閑一志無私天地順善根
光結古容顏

安丘陳縣君出家求教

來住清朝法海中去遊蓬島不空空飢餐內
寶真元秀渴飲丹霞玉性紅一氣周流清淨
體萬神齊會絳霄宮迴顏換質無衰老開化
人天正祖宗

請惠先生修殿

惠仙能辯古今文師曠深聞性不昏學我道
遙觀寶月願君猛烈斷根塵兩朝聖帝開仙

路一舉玄科享道恩四大隨緣遊陸地闡揚
清淨好家風

贈日照縣水車溝會眾

水車灌出道芽新漸吐靈光透紫宸二氣根
元成造化滿天枝葉拂星辰玲瓏霞彩通三
界踴躍圓明出六塵結就本來真面目因師
開發悟全真

贈安丘縣令

安丘山水最清明持感忠良治此城和睦人
民天地喜豐收田斛廩倉盈因公正直無私
曲是處歌歡樂太平助國愛民功就日好窮
道德了前程

公姑問修行

公姑皆說道心濃不可奢華護落空且悟真
修忘彼我勿令外覓走西東氣神欲得朝元
海猿馬須教鎖絳宮統攝羣魔無障礙道遠
自在了仙功

贈文山劉君元王仁美與丹霞觀

彥充仁美各高明起建丹霞志轉新東海文
山真古跡西秦師祖舊良因周全外行舍空

界混合玄功出世塵更把浮華都一擊迴頭
便作箇中人

贈關西呂清元充寧海威儀

清居寧海列冠裳絕頂蓬壺是故鄉密考丹
經窮造化安存靈物免悲傷焚香祝壽功無
失報德酬恩道自昌動靜應和天地理他時
雲步禮虛皇

寄萊陽宋二先生

書寄萊陽宋二仙舊人用事必精專適因幾
處修齋離速可同來結勝緣莫把勤勞如世
務須知清淨種金蓮全真內外功圓聚萬里
迴光透碧天

買查山上清觀

東方雲海訪諸公各願丹成立祖宗三界十
方通一化普天眾聖演真空皇天后土垂洪
福吉事遐齡表善功拯救人倫弘大道遞相
開度好家風

示眾

修真法會信深洪布祝先天大道通無內化
生閑活計有中變鍊好家風清音應塵衝雲

漢玉性靈靈話正宗傳報世間明子細東方
雲海證圓融

贈李節判明成二首

既叩吾門訪道流勿令愚昧度春秋日魂月魄依時取未隨鉛精用力收都集神明朝玉帝重開慧目賞瓊樓丹成內外齊升降有箇無為笑點頭

清心內鍊一輪光演道關真滿十方積德任教神鬼敬願真休被物情傷陰陽顛倒人難見性命圓成世莫量法界靈明俱透徹巨容天外自飛揚

贈文山修觀道衆

體天道道做修行天地人倫一化平若運肯心常不退汝明玄理悟無生葛洪萬卷終歸道惠子千箱謾數程爭似一超真實地本來功德自圓成

隨哥問修行

清淨身心養氣神烹鍊玉出迷津三田暗種留年藥一旦欣逢不死人五道光光明閃爍六陽地氣發遠巡熏蒸關節透肌骨定是

朝元謁紫宸

長欄于二郎退道贈之

初入吾門衆盡欽誰知無分作知音青霄路遠年光近黑簿名高地獄深范蠡張良非易學護湯劍樹不難尋將來受著無情苦悔縱顛狂一片心

盧宣武問道

一氣昇沈合大丹始知靈物自迴還收藏寶壁歸中位剔撥天機注內顏光綻九宮觀世界道成永劫列仙班青鸞穩踏騰空去從此清標鎮海山

贈卜者

推窮天理甚分明特與時人沒因程解察陰陽時否泰能通日月數虧盈順行九曜災難及復變三陽禍不侵莫待無常天限至和賢盡總落深坑

商河縣會東求教

商河真遇自迴光步步玄風貫故鄉雲路交參天浩渺陰魔消散性昭彰清音塵歷驚山鬼靈耀團團滿玉堂一旦出離塵世外蓬萊

水水得清涼

都下張鎮國問修真

靈明納在性懷中固蒂深根謹用功有寶莫令他物盜無心且與世塵同包藏微密真如顯補惜精華法海空瑞跡仙蹤無斷絕了然直赴大羅宮

北青州船戶張長者有問

一棹空舟越世間飄飄雲路列仙班運持靈秀攢金鼎把握陰陽轉玉環永出洪波離愛海就揮利劍劈息山蓬壺闕苑仙遊處一念心灰盡可攀

贈門人南呂哥

曠劫根源子細搜須知此箇好因由千祥丹谷收真彩萬派銀霞注逆流金木河車搬鳳髓癸丁鑪竈鍊霜髓周天數足神丹結五色威光簇十洲

泗州任哥問性命事大

圓融性命不為難華蓋先生道往還定息絲絲通正理安神默默鎖玄關收藏真秀丹須結打破虛空性自開一顆靈光超造化雲車

搬戴玉京山

贈蒲臺縣徐上押

念身四大足虛浮藉假修真列有由至道希
微無斷滅元神脫灑不淹留温温鉛鼎金光
綻寂寂靈宮玉焰收有箇主人當面立相逢
拍手笑無休

示門人

虛无清淨立金壇撥剔輪迴生死關情性調
和如止水氣神交結若回環靈珠燦燦騰雲
外鶴駕飄飄出世間直到大羅天界上恁時
歸正好容顏

寄萊陽長潤孫四翁

書寄賢明孫四翁微微鍛鍊我家風澄澄察
察身心淨冷冷清清事物空細細綿綿還大
孝惺惺了了返靈宮願公齊力弘真教普化
人人悟正宗

登州會衆遊聖水贈之

法着知音任往還雲游聖水涉羣山暫離百
結塵埃網時叩重玄祕密關性上發生真智
慧壺中認得古容顏全身放下無諸念便是

遇道自在閣

贈寧海州王一翁化為醜首

請公目下細斟量既遇良緣便可富家道與
隆因建德福星臨注必除殃願人有幸扶玄
教學我無為建上蒼四海存亡都一化立教
地獄變天堂

寧海太守屢嘗書召以詩奉答

信香不斷累相招自肯存心養瑞苗禁制姦
邪因德政恤憐老幼顯詩誥常蒙帝闕恩光
降足表忠心福行昭伏望功成名遂日也來
林下論逍遙

贈明水公殿試

心靈神喜悟真常日日無私達上蒼休帶儒
門求外顯好搜道理惜元陽萬塵根斷超三
界一舉功成貫十方試把前程相比校為官
何似到仙鄉

卷沂州趙知法問修行

雲蹤不斷瑞陽開悟徹塵緣心自灰但覺身
中清一氣漸看無內聚三才青龍白虎鳴哮
吼亦鳳鳥龜戰往來羅列周天同際會道成

自有紫書催

贈揚都目化緣都下幹當教門

助緣諸物順時來都下光明轉轉閱不憚辛
勤成好事須逢吉慶遠非災舊替壞了重修
善善氣將殘復接裁深謝聖恩功德力願祈
洪祚等天台

別遠來道眾

清景自下列相知香化人天處處齊若解壺
中交日月便超空外步雲霓未歸蓬島朝真
聖聊向塵寰度執迷好惡是非都不挂任他
鳥兔走東西

贈修真觀廚張

廚下清河志的端莫今拋撒謹修完精嚴每
感諸仙喜節儉能招百行攢既向福田常潤
益自然心地永舒寬他時功滿離塵土一顆
神珠始得看

示門人 蘇頌詩字二首

開法眼內無憂肯精持百行周吉遇遭金口
訣言叮囑道宜修田上下通來往氣循環任
自由載仙班雲外列圭服了忘遊

昇大降內觀修是人非物物性却臨金地
旺魂還向月宮囚傳丹訣真師見顯靈光玉
液周慶無涯真得得絲不昧任優游

張五郎問修行 藏頭拆字

友纒闍真道德曰不覺悟清涼山玉璞離塵
土性芬芳天外香裏金雞常顯瑞頭丹鳳每
呈祥年成就無為理家金書度五郎

贈楊解元 橫三字

來問古真宗相知盡始終子居塵世裏我離
有無中信受明真理三光話苦空竝超真造
化出現赴蓬宮

徐福店小宮姑毀容截鼻處志慕道
贈之

毀容截鼻志彌堅為脫塵緣結道緣一著根
源超等輩兩通盟著透青天三光密照開靈

慧四大冲和道漸傳光統五明常不夜六波
羅密吐金蓮七情除滅圓明聚八洞神仙同
受宣九曲明珠穿頂過十方世界任周旋

海市詩 并序

暫別東牟西遊登郡漸叩古黃西阜邊海市

垂光顯異乃與道合真也故曰皇天發泄大
道舒張披三光而下降稟一氣而上昇萬化
人間莫知其道也是乃長養諸天大地冲和
四序炎涼洞煥太空化生玄象混同萬法之
根源符合大羅之眼目因借東坡韻述懷

水晶宮殿鎖晴空萬象澄澄碧海月中裏姮
娥觀寶鑑日中仙子翫珠宮乾坤轉運明真
理混沌重開越勝工萬道毫光攢坎虎千條
赤氣單龍滿空聖眾扶圓蓋玉女金童集
主翁紫霧紅霞繞綵處玲瓏七寶現威雄神
風靜默驚山鬼萬化參差世莫窮光壓水天
無勢力吾真三界得冲融放心天下無運礙
四大神州飲幾鍾雖說東坡真上士足知大
定勝元豐古今諸勝釣龍手不論泥沙碎鐵
鋼以道治身功行滿大羅天上一家風

復用前韻

混元三界俯觀空隱隱仙山巨海中和氣流
傳生瑞象清風明月透靈宮天男天女從空
有絳闈瓊樓匪世工滾滾波心生玉虎交炎
火裏走朱龍泥丸公子鳴天鼓紫府真人舞

醉翁聚集萬靈同慶會飛騰八極示清雄掣
開今古神方秀劈碎虛空理不窮永永長生
超造化明明無相自圓融上令百代登霄漢
遂享洪恩過萬鍾助開玄門扶內教方今清
世樂真豐仙胎道骨居塵境恰似良金混錫
銅直待紫書親詔喚恁時顯出我家風

守道

金精玉髓結神胎夾脊光明兩道開灌頂醍
醐生萬象二輪日月射瑤臺

懸絲若存

認得虛無動靜功流精實壁實無窮周而復
始重羅列仙韻琅琅聆太空

返樸守拙

本源無漏定長生千葉金蓮耀日明心性了
然同一體希夷大道自圓成

溫溫鉛鼎

一氣清虛攝萬靈萬靈都會見圓明明明內
外天光結波證蓬萊沒死生

光透簾幃

純陽開化上衝天放出神光養瑞蓮道氣周

流通于午桂花吐焰照無邊

造化事馳

兩賢堂開風雨乳龍虎爭馳鳥兔走刀圭入
腹鬼神驚大地羣魔齊拱手

虎龍交媾

五色天光聚本容虛無運度香冥中玉陽到
處仙歌聆隨步金蓮見太空

清濁兩分

順氣流行觀自在迎風歌曲醉神融清涼境
裏神光燦漸轉虛无大通道

王公問如何學道

虛无元氣結神丹開關輪迴生死關枝度十
方三界若一靈真性自歸還

又問如何體天法道

大道不離開化數迅雷無失自然功推窮此
理皆同體應變人天弗落空

贈門人王哥

修行拍碎我人山脫俗超凡絕往還平等常
持心正直他時昇入碧霄間

張公問頓悟

達道空無一物形隨機應感度羣生重達浩
劫天元主了了輪迴十萬程

遊行

開觀山水遊蓬島滿地白雲風自掃暗想浮
生極苦幸誰能修此無衰老

得物

烏飛兔走入中央恍惚靈源得妙方一粒刀
圭通九轉昇騰變化滿穹蒼

悟真

悟來切切認真歡灌頂醍醐一氣寬大道冲
和通子午內靈光輒出泥丸

辨道

清濁浮沈復往來昏昏默默口難開雙眸不
欲觀乾象耳鼻通靈吸秀胎

順化

顛倒循環似醉人不憂不喜內全真精神動
處靈波漾三界清虛絕點塵

歸真

悟徹根源一點深靈臺願養紫芝金金光湧
湧起生滅玉性輝輝了古今

救生

會救空身一大災輪迴生死不能該靈源神
水透玄谷四序仙花火裏開

卷道

昔年東海會初真多謝明公管顧恩卻返仙
都聽紫詔轉開玉戶入金門

傳善

功圓行足自朝元莫越清時結東緣普願愚
迷歸至道助修真福滿無邊

道光

東立丹陽顯異碑端文仙跡妙雄威包藏微
容起今古補惜先天造化機

達本

虛心實腹志精專捉馬擒猿竟了仙清淨無
為行大道不須苦苦問青天

識諱忌

十二時中善惡盡錄抄名件覆天公校量功
行無虧失脫補仙階不落空

黃縣女冠劉志妙問日用

搜詳日用苦精研觸目迴光百行全損已錄

真弘大道前程自可滅諸愁

四會開化

七寶金蓮瑞氣漲玉華平等我家風三清上帝通真德一派光明處處同

蒼文登七寶會下見召

深蒙寵召布橋梁講論無生不死方七寶金蓮同結秀諸天慶會滿空香

劉公求三寶真訣

全身光結紫金丹須得靈明認內開會合玉田真口訣聚神一撞過三關

金蓮會眾求教

法會因由道自然沈沈苦海種金蓮溫溫鉛鼎神光綻輟出丹砂射碧天

復和

復本還元達自然虛無清淨聖金蓮通融四大心丹結萬道霞光出洞天

了真

黃金藏裏翻身出玉秀瑤池一點開風月飄飄天外境住行坐卧是蓬萊

贈福山仁壽保柳枯

今古真意設大功三天始遇信忽忽欣榮漸漸通玄妙得一方知道合同

大定十五年有門人初志常欲往關西參丹陽公師曰何必遠去他日此處相見然不可慢汝之志作是一絕

寄呈丹陽公到彼展觀言泄天機後果東還

山東東路有真修木德為鄰自免愁一二三連一二九陽光滿向東流

觀遊歷道環

道行仙功心上求莫隨波浪逐輪流愛河苦海翻身出一點靈光連岸舟

登舟李會首乞孝道頌

天池虛無生育恩出家須認道之根龍吟虎嘯明真秀女姪嬰嬌惜至尊

贈門人子了一

宿無靈骨護修仙達本方知道自然滅口忘機絕視聽亘初面目可周全

楊先生索守道詩

始初守護日精華暗種芝田養瑞芽漸遠玄

關衝頂過滿空光結紫金砂

敬三教

三教同興仗眾緣真空無語笑聲連法眼全玄理蓮葉重重作渡船

捨俗投玄

絕盡塵情一點無自然無相下功夫明收四序先天景混沌三光結六鍊

詠查山石芝

日月精華結瑞苗玄真真氣內含包能滋五臟生金液暗補全身肌骨牢

讚黃籙精嚴

星壇月殿溢香風走鳳飛鸞問玉龍讚動三天諸聖降度魂皆得步仙蹤

贈樂安藥舖王二翁

神農本草非為貴天上芝蘭味莫窮好把神丹起世藥山頭醫取主人翁

門人初小仙乞守一法

一點靈明認的端一輪皓月永相看一身神氣呈祥瑞一性騰騰萬化安

贈北青州道衆

出家道衆謹恭詳皆可達靈認故鄉攢衆精
神離苦海放開心月養和光

雲光集卷之一

卷一

十五

雲光集卷之二

卷二

至水玉陽王處一撰

詩

大定丁未十一月十三日初奉宣詔

上騰和氣徹三台下布祥雲徧九垓化出空

中清雨降道橫四海一聲雷

到滄州無棣縣新豐村皇親四官人

道卷盤桓續奉聖旨委天長觀大德

宣至十七日復委棣州七駙馬支起

發錢二百貫臨行贈衆

諸天仙眷滿空浮帶我容光西北流統攝萬

靈澄浩渺翠光撥弄紫雲頭

入天長觀

入得天長正位宮交參殿宇映重重金壇玉

壁朝元像七寶玲瓏顯聖容

朝真

香散雲霞撲太空祝延震動絳霄宮羣仙共

集煙深鎖大德清朝講正宗

入靜位

法門玄教鎖雲空四大和光靜位中門化諸

天真妙道收神明月與清風

宣詔

恭惟悚息定神光閉目祈聞聖語詳伏願天

皇萬萬歲迴心三寶結嘉祥

賜小童侍伴

天恩不斷尺宣差特賜靈童運聖儀仰謝吾

皇功德力教修道院謹修齋

賜紫登壇作醮

飛龍走虎下天來光滿金壇紫雲開八洞瑤

池空裏降昇沈天地一齊迴

戊申八月告暇還山復經滄州皇親

四官人請為黃錄濟度

恰如殘雪遇春光一切諸靈罪已亡萬物欣

榮達造化瑞雲洋溢滿宇蒼

在聖水本觀夢中得此一絕後經七

日重宣

紫府真人玉路催諸仙雲集走輕雷滿空光

顯瓊瑤象策命金書自往迴

世宗寢疾因憶特差近侍內族詣聖

水玉虛觀傳宮本乘駟馬車速來